



Inier domënia ai 31 de agost él gnü sughé la pröma partida de campionat por la squadra da La Val, che vël ince sciöche pröma partida ofiziala a gauja dla partida de Copa dl'ultim fin dl'edma, rinviada por impraticabilité dl ciamp. Chësta partida é gnüda rinviada a in mercui ai 3 de setëmb
er y
gnarà sugada fora de ciasa sön le ciamp a Prettau, trës cuntra le Mühlwald.

Le pröm vare te chësta nöia sajun dl palè por la squadra de Floriani é positif, te ciasa davagna la squadra por 1 a 0 cuntra le Niederdorf y pëia insciö atira ia bun cun 3 punc. Ince sce la prestaziuna dla pröma partida de campionat ne é nia stada üna dles miûs, ti era impò garatada a segné n gol y de avëi la miù sön la squadra aversara.

La partida mêt atira man cun 2 ocapiuns d'ôr por l'atach ladin, üna cun Alexander M. che ciafa n bel pal da Micky y se tira ite cuntra area, Alex E. rōia da na pert jō cuntra porta mo Alexander ne le vëiga nia y preferësc insciō trà te porta, la trata vëgn indere architada sō dal portier. Le protagonist dl'atra gran ocapiun é Emanuel D., che ciafa n bel assist dal centrocampist Stefan, bel sù cuntra le portier, ne él nia bun de se controlè le pal, che ti sciampa danfora y vegn insciō antizipé.

Tl'atra pêrt dl prom tēmp él l' sogadûs che se stënta a impostè le jüch y sbaglia tröc pasaji saurisc, val iad cun trō massa prescia y val iad sënza punsè. Le pal é ince deplö tl'aria co ia por tera y insciō é le bel jüch che la squadra à lascè udëi tla sajun da denant, dal döt assënt.

Le prom tēmp se rōia a rëis inviolades.

A mêt man dl secundo tēmp él düt n'atra squadra sön le ciamp, agresiva y concentrada. Les parores de Floriani amesa le prom tēmp fej faziun. Atira vëgn les secundes pales abinades a mezcíamp y vigni pal vëgn gestì cun calma y prezijiun. I sogadûs aversars vëgn antizipà y la squadra é buna de se alzè a sostëgn dl atach. Le jôn Marco Sottara, cun le esordio pro le U.S. La Val à bel atira lascè udëi sües cualitês. Apëna rové te ciamp dô le prom tēmp, él bun de delizié Dorigo cun n bel assist âlt, chësc ultim scavalchëia le portier cun n bel palonët y porta insciō le vantaje ala squadra de ciasa. Dô le gol por cört tēmp é ciamò i sogadûs da La Val che

detëia l ritmi, Marco S. à ince ciamò na ocajiun da gol, Dorigo ti dà zeruch le plajëi da denant cun n bel assist orizontal al limit dl'area, la bela trata bâsa vëgn indere rebatüda dal portier.

Bel plan é spo indô le Niederdorf che se lascia udëi y devënta prigorûs, ai davagna n grüm de puniziuns al limit dl'area y trates dal ciantun. Sön vigni trata é la defenjiun da La Val concentrada y röia scialdi denant sön le pal. Dan la fin dl secundo tēmp é ciamò Manuel S. "Zaupo" che à na pala gol sön le pé. Te n gran cajan anter le defensur y le portier aversar ti sciampa le pal a chisc y Zaupo é bun de ti sciampè, al mëss indere aretrè mo cun n bel palonët scavalchëiel ciamò la defenjiun, por gran desfortüna röia le pal sön la stangia de porta, na bela ocajiun che ess podü stlû jö la partida.

Dô püc menüc sciüra l'arbiter la fin. La Val se mët te gaiofa trëi punç y scomëncia insciö bun le campionat. La prestaziun dla partida ne é dl prom tēmp nia stada cis buna, na gran sodesfaziun dal atra pêrt é stada da odëi l nüs sogadûs che à de n gran contribut al garatè dla partida.

La squadra da La Val süga la proscima partida de campionat in domënia ai 07 de setëmber dales 16:00 a Olang cuntra la squadra de cíasa.

Le recuper dla partida de Copa Provinzia é in mercui ai 03 de setëmber dales 20:00 sön la plaza dl sport a Prettau cuntra le Mühlwald. La partida de retüda é spo le proscim mercui ai 10 dales 20:00 a La Val.

Formaziun titolara: Elmar Valentin, Paolo Vallazza, Marco Castlunger, David Moling, Alex

Elzenbaumer, Stefan Sottara, Max Nagler, Micky Frenes, Alexander Miribung y Emanuel Dorigo.

Alenadù: Floriani Claudio

Sostituziuns:

Marco Sottara gnü ite imped Alexander Miribung (45^ menüt)

Freddy Sottara gnü ite imped Max Nagler (65^ menüt)

Manuel Stampfer gnü ite imped Emanuel Dorigo (70^ menüt)

Adrian Miribung gnü ite imped Alex Elzenbaumer (75^ menüt)

Resultac dles atres partidas: [RESULTA C](#)

Insëra, mercui ai 23 de aurì él gnü sughé l'andata dla semifinala de Copa Provinzia cuntra la

scuadra da Ritten, che süga le campionat trê te 3 categoria mo te n ater girone. La squadra da La Val à incuntè na squadra sterscia, che à lascè udèi sües cualitês portan a ciasa la devènta por 2 a 0. Ai 7 de mà gnaral sughé le ritorno sön le ciamp dl Ritten.